



Broj: 03-11-7-1-12/2021
Sarajevo, 22.01.2021. godine

Na osnovu člana 64. stav (1) tačka b) , člana 70. st. (1), (3) i (6) Zakona o javnim nabavkama ("Službeni glasnik BiH," broj 39/14) i Preporuke Komisije za javnu nabavku, broj: 03-11-7-1-11/21 od 21.01.2021. godine, u postupku javne nabavke roba - goriva za motorna vozila, direktor Agencije donosi

ODLUKU

o izboru najpovoljnijeg ponuđača u postupku nabavke goriva za motorna vozila

I

Prihvata se Preporuka Komisije za javnu nabavku goriva za motorna vozila, broj: 03-11-7-1-11/21 od 21.01.2021. godine, te se okvirni sporazum za javnu nabavku roba – goriva za motorna vozila, dodjeljuje ponuđaču HIFA PETROL d.o.o. Sarajevo, ulica Hotonj bb, Vogošća, prema Ponudi, broj: JN-178/21 od 13.01.2021. godine, za ponuđenu cijenu 15.793,40 KM, bez PDV-a, odnosno 18.478,27 KM.

II

Prijedlog okvirnog sporazuma dostavit će se na potpis izabranom ponuđaču HIFA PETROL d.o.o. Sarajevo.

III

Ova odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

IV

Ova Odluka objavit će se na web-stranici Agencije www.adsfbih.gov.ba, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke roba – goriva za motorna vozila pokrenut je Odlukom o pokretanju postupka javne nabavke, broj: 03-11-7-1-1/2021 od 04.01.2021. godine.

Javna nabavka je pokrenuta putem Konkurentskog zahtjeva za dostavu ponuda. Predviđeno sklapanje okvirnog sporazuma sa jednim ponuđačem na period od 2 godine.

Procijenjena vrijednost javne nabavke bez PDV-a je 17.000,00 KM za period od dvije godine.

Obavijest o nabavci, broj: 167-7-1-2-3-2/21 objavljena je na Portalu javnih nabavki dana 06.01.2020. godine.

Komisija za javnu nabavku imenovana Rješenjem direktora Agencije, broj: 03-11-7-1-2/2021 od 04.01.2021. godine izvršila je otvaranje, pregled i ocjenu primljenih ponuda, prema zahtjevima i kriterijima iz tenderske dokumentacije i utvrdila slijedeće:

- da je ukupan broj pristiglih ponuda - dva (2)
- da su obje ponude blagovremeno pristigle
- da nije bilo neblagovremeno pristiglih ponuda
- da su dvije dostavljene (2) ponude prihvatljive
- da nije bilo neprihvatljivih ponuda

U postupku ocjene provedenog postupka, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke o izboru Komisije za javne nabavke.

U postupku je ocijenjeno da je Komisija u svemu pravilno postupila te je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, a u skladu sa postavljenim kriterijima "ekonomski najpovoljnije ponude", Komisija je dala Preporuku Direktor Agencije da se okvirni sporazum za javnu nabavku goriva za motorna vozila dodijeli ponuđaču HIFA PETROL d.o.o. Sarajevo.

U skladu sa navedenim, odlučeno je kao u dispozitivu.

Izabrani ponuđač je u obavezi da u roku od 5 (pet) dana od dana prijema Odluke o izboru najpovoljnijeg ponuđača, dostavi Ugovornom organu dokumentaciju u skladu sa tenderskom dokumentacijom, tačkama 3.3. TD.

Pouka o pravnom lijeku:

Protiv ove odluke može se podnijeti žalba Uredu za razmatranje žalbi putem Agencija za državnu službu FBiH, Kulovića broj 7, u pisanoj formi, u roku od **5 (pet)** dana od dana prijema ove odluke. Žalba se podnosi u tri primjerka.

Dostaviti:

- Ponuđačima
- Odsjek za računovodstveno-finansijske poslove
- u spis predmeta
- a/a

DIREKTOR
Refik Begić, magistar uprave

